

CHRISTOPHERVS HEGENDORPHINVS LYPSENSIS

Professor.



Christopherus honestis parentibus in Belgia natus, & omni genere uirtutum & literarum educatus fuit. Is quamprimum adoleuisset, hinc inde ad uarias Germaniae, Galliae, atq; Italie academias profectus, Græcæ & Latinæ linguæ diligenter incubuit, atq; etiam bonarum artium sibi magnam notitiam comparauit. Philosophiæ quoque operam dedit, & in Iurisprudentia fœliciter uersatus fuit. Hinc factum ut multarum disciplinarum peritus apud Germanos in magna existimatione fuerit, atq; inter uiros doctissimos cōnumeratus, & Lypsiæ inter artium professores receptus sit, anno 1520. Scripsit is de instituenda uita & corrigen-
dis moribus iuuentutis, atq; rationem componendarum Epistolarum ostendit. tres dicendi artes Grammaticam, Dialecticam, & Rheticam locupletauit, & qua ratione facilimè percipiāntur, declarauit. Nonni poëta Paraphrases Græcas in Ioannis Euangeliū, atq; quasdam Chrysostomi orationes ex Græco in Latinum uertit, & 1528 edidit. Pari ratione Aristotelis quosdam libellos Physicos, atq; Demosthenis aliquas orationes latinitate donauit: Ciceronis aliquot orationes annotationibus exposuit: Compendiarium uiam dicendi iura ciuilia excogitauit, atq; titulos aliquos Pandectarum commentarijs explicauit. Cum hoc modo bonis studijs iuuandis Christopherus natus esse uideretur, multorum gratiam inijicit, atq; rādem, pro communī mortalium conditione, fato functus, terræ mandatus fuit. Con. Geſſ.